

मार्निंग डोगरी न्यूज़ बुलेटिन, सभें. **09-20** Hrs

<><><><><><>

Headlines

- 1 प्रधानमंत्री नरेन्द्र मोदी होर गणतंत्र दिवस च शामिल होने आले एनसीसी कैडेटें, कलाकारें, जनजातीय समुदाय दे लोकें कन्नै मलाटी करगन।
2. गणतंत्र दिवस च शामिल होने लेई जम्मू थमां 20 खास मैहमानें गी साददा दित्ता गेआ ऐ, जेहदे च अर्जुन पुरस्कार कन्नै सम्मानत शीतल देवी ते राकेश कुमार शामिल न।
3. गणतंत्र दिवस समारोह दे सरबंधे च जम्मू कश्मीर च सुरक्षा इंतजाम व्यापक बनाए गे। सारी सरकारी इमारतें गी तिरंगे आली रोशनिएं कन्नै सलाया जा'रदा ऐ।
4. मुख्यमंत्री उमर अब्दुल्ला होरें जम्मू कश्मीर गी ऊर्जा दे क्षेत्र च आत्म निर्भर बनाने लेई पन बिजली परियोजनाएं गी सभें सिर मुकम्मल करने पर जोर पाया।
5. सेहत मंत्री सकीना इत्तू होरें जीएमसी ते एसएमजीएस जम्मू दा दौरा लाया ते मरीजें इदी सेहत दा जायजा लैता। उनें सरकार आस्सेआ हर संभव सहायता ते मामले दी जांच दा भरोसा दोआया।

<><><><><><>

PM-NCC Cadets

प्रधानमंत्री नरेन्द्र मोदी होर अज्ज नमीं दिल्ली च गणतंत्र दिवस समारोह 2025 दे एनसीसी कैडेटें, एनएसएस स्वयं सेवकें, युवा विनियम कार्यक्रम दे कैडेटें, झांकी कलाकारें ते जनजातीय समुदाय दे लोकें कन्नै मलाटी करगन। प्रधानमंत्री हुंदे आवास-7 लोक कल्याण मार्ग उप्पर पर इक कार्यक्रम दा सरिस्ता कीता गेआ ऐ , जित्थें प्रधानमंत्री होर पर्दे दे पिच्छे कम्म करने आले झांकी कलाकारें दे कन्नै कन्नै इस ब'रे दे गणतंत्र दिवस परेड च हिस्सा लैने आले एनसीसी कैडेटें कन्नै गल्लबात करगन। गणतंत्र दिवस परेड 2025 भारत दी सांस्कृतिक बन-सबन्नता ते सैन्य कौशल दा इक अनोखा मिक्षण होग, जेहदे च संविधान दे लागू होने दे 75 ब'रे ते जन भागीदारी उप्पर चेचा ध्यान दित्ता जाग।

<><><><><><>

JK R.Day Guests

इस ब'रे नमीं दिल्ली च गणतंत्र दिवस समारोह च जम्मू खित्ते दे 20 विशिष्ट व्यक्ति शामिल होंगन। एह लोक खास मैहमान दे तौर पर शामिल होंगन। इंदे च पैरालोंपिक च तगमा जित्तने आली ते अर्जुन पुरस्कार विजेता शीतल देवी ते राकेश कुमार सनें होर दुए लोक शामिल न। इंदे अलावा प्रधानमंत्री विश्व कर्मा योजना श्रेणी च प्रवीण चौधरी, शिड़क निर्माण श्रेणी च हरदीप सिंह, कस्तुरी लाल, जल योद्धा श्रेणी च निशा शर्मा ते होरदुए राष्ट्रीय ते अंतर्राष्ट्रीय खेड्ड मकाबले च हिस्सा लैने आले खडारी शामिल न। एह लोक कर्त्तव्य पथ पर गणतंत्र दिवस समारोह च शामिल होने आले 10 जहार खास मैहमाने च शामिल न।

<><><><><><>

Security Arrangements

गणतंत्र दिवस समारोह गी सुचारू ढंगै सिर मनाने लेई सुरक्षा दे लोड़चदे बंदोबस्त कीते गे न। केन्द्र शासत प्रदेश स्तह दा मुख्य कार्यक्रम जम्मू दे मौलान आजाद स्टेडियम च होग जित्थें उपराज्यपाल मनोज सिन्हा होर कार्यक्रम दी सदरत करगंन ते परेड दी सलामी लैंगन। मुख्यमंत्री उमर अब्दुल्ला होर कार्यक्रम च मुख्य परौहने होंगन। गणतंत्र दिवस दे सरबंघे च महत्वै आली थाहर पर पुलस ते नीम फौजी बल दी तैनाती कीती गेदी ऐ। अंतर्राष्ट्रीय बन्ने ते कब्जा रेखा पर खास तौर पर निगरानी कीती जा'रदी ऐ। सारी थाहरें पर गड्डिङएं दी बह जांच कीती जा'रदी ऐ। जम्मू कश्मीर प्रशासन नै पूरे केन्द्र शासत प्रदेश दी सब्बने सरकारी इमारतें गी शैल सनाहकड़े ढंगै कन्नै सजाने ते रोशन करने सनें समूलचे केन्द्र शासत प्रदेश च राष्ट्रीय गौरव ते एकता दे प्रतीक तिरंगे झंडे गी चाढ़ने दे बी निर्देश दित्ते न। एहदे अलावा सब्बने सरकारी मलाजमें गी निर्देश दित्ता गेआ ऐ जे ओह अपने अपने जिले च होने आले गणतंत्र दिवस आले अधिकारिक समारोह च हिस्सा लैन।

<><><><><><>

DGP Visit

पुलस महानिदेशक नलिन प्रभात, अतिरिक्त पुलस महानिदेशक जम्मू आनंद जैन ते होर केई आला अफसरें बसंतगढ़ दे अगेत्रें इलाकें दा दौरा लाइयै कडुआ, डोडा ते उधमपुर च अभियाने सरबंधी तैआरिएं दा जायजा लैता। अपने दौरे दरान डीजीपी होरें अगेत्रे इलाकें च तैनात सुरक्षा कर्मिएं कन्ने गल्लबात कीती ते शांति ते सुरक्षा गी बरकरार रखने लेई उंदी निरंतर प्रतिबद्धता दी प्रशंसा कीती। डीजीपी प्रभात होरेंउ सरबंधी अधिकारिएं गी निर्देश दित्ता जे सुरक्षा दे उपाह निगगर कीते जान तां जे इलाके च सुरक्षा ते स्थिरता निश्चत कीती जाई सकै। डीजीपी होरें सुरक्षा बलें बश्कार तालमेल बनाए रखने पर बी जोर पाया।

<><><><><><>

NVD

राष्ट्रीय मतदाता दिवस दे सरबंधे च अज्ज जम्मू दे सिविल सचिवालय च सगंध चुक्कने सरबंधी कार्यक्रम दा सरिस्ता कीता जाग। मुख्य सचिव अटल डुल्लू होर बडलै 11 बजे जम्मू ते श्रीनगर कर्मचारिएं गी सगंध चकांगन। श्रीनगर थमां कर्मचारी एहदे च वर्चुअल माध्यम राएं हिस्सा लैंगन। आम प्रशासनिक मैहकमे गी हिदायत कीती गई ऐ जे ओह सारे मैहकमे दी शमूलियत एहदे जकीनी बनाई जा। एह जतन मुख्य भरै च 25 जनवरी यानि राष्ट्रीय मतदाता दिवस गी मनाने कन्नै सरबंधी कार्यक्रम दा गै हिस्सा ऐ। एह कार्यक्रम मतदान जनेहा किश नेई पक्का में पक्का गै मतदान करोंग आले विशे सार कन्नै मनाया जा'रदा ऐ। एहदा मकसद मतदाताएं खास करी युवा मतदाताएं गी वोट पाने लेई जागरूक करना ऐ ते उनें गी मतदान दी एहमियत गी समझाना ऐ।

<><><><><><>

CM Power Projects

मुख्यमंत्री उमर अब्दुल्ला होरें सिविल सचिवालय जम्मू च लग्गी दी इक बैठक च जम्मू कश्मीर प्रदेश बिजली विकास कारपोरेशन दी इक जायजा बैठक दी अध्यक्षता कीती। उनें जम्मू कश्मीर गी लोड़ थमां मती बिजली पैदा करने आला प्रदेश बनाने लेई गलाया, उनें जम्मू कश्मीर दी इस भेठा समर्थ दा पूरा पूरा फायदा दोआने आस्तै जतन करने लेई गलाया। मुख्यमंत्री होरें पन बिजली परियोजना दी समें सिर अमलावरी पर जोर पाया। समर्थ गी बधाने ते बंद पेदी परियोजनाएं गी परतिथै चालू करने बारे 5 ब'रे लेई इक खाका तैआर करने पर चर्चा कीती। मुख्यमंत्री होरें जम्मू कश्मीर प्रदेश बिजली विकास कारपोरेशन गी आखेआ जे ओह चनाव, झेलहम ते रावी जनेह दरेआएं दी पन बिजली समर्थ थमां फायदा ठोआने लेई रणनीति तैआर करने पर ध्यान केन्द्रित करने पर जोर पाया। बैठक च बगलियार, पकल दूल ते रतले परियोजनाएं दा जायजा लैता गेआ। मुख्यमंत्री होरें ऊर्जा दी मंग गी पूरा करने लेई गलाया।

<><><><><><>

CM Bhawan

मुख्यमंत्री उमर अब्दुल्ला होरें जोर दिंदे होई एह आखेआ जे डॉ. बी.आर.अम्बेडकर ते शेख मोहम्मद अब्दुल्ला हुंदी परिवर्तनकारी सोच दे चलदे गै बरोबरी ते इंसाफ अगगे बधी सके न। बड़ी ब्राह्मणा च डॉ. बी.आर. अम्बेडकर भवन दे उद्घाटन समारोह च बोलदे होई मुख्यमंत्री होरें जम्मू कश्मीर च भूमि सुधारें दे महत्व पर लोह पाई ते आखेआ जे एहदे राएं कमजोर तबकें गी सशक्त बनाया जाई सकेआ ऐ। इस मौके पर मुख्यमंत्री होरें लिंग दे आधार पर बरोबरी च भारत दी उपलब्धिएं दा बी जिक्र कीता।

मुख्यमंत्री होरें डॉ. बी.आर.अम्बेडकर भवन दी तरीफ करदे होई आखेआ जे एह अम्बेडकर हुंदे शिक्षा ते प्रगति आले आदर्श दा प्रतीक ऐ। भवन दा निर्माण डॉ. बी.आर.अम्बेडकर एजुकेशन सोसायटी नै कीता ऐ ते एहदे च लाईब्रेरी, स्टडी सर्कल ते सामुदायिक हाल दी सुविधा मजूद ऐ।

<><><><><><>

Sakina Itoo

सेहत मंत्री सकीना इत्तू होरें गौरमेंट मैडिकल कालेज जम्मू ते एसएमजीएस अस्पताल जम्मू दा दौरा लाइयै उत्थें दाखल बडहाल ग्रां दे मरीजें दी सेहत बारे पता लैता। सकीना इत्तू होरें मरीजें कन्नै गल्लबात कीती तें उनेंगी सरकारी मदाद दा जकीन दोआया। इस मौके उनें आखेआ जे बडहाल ग्रां च बीती दी त्रासदी दे कारणें दा पता लाने लेई जांच जारी ऐ। अपने दौरे दरान मंत्री होरें अस्पताल प्रशासन गी हिदायत दित्ती जे मरीजें दी सेहत पर लगातार निगरानी रखी जा ते कन्नै गै सेहत मंत्रालय गी बी इस बारे ताजा जानकारी दित्ती जा। सकीना इत्तू होरें जोर देइयै आखेआ जे सेहत मैहकमा, पुलस ते जिला प्रशासन मामले गी सुलझाने लेई अनकथ जतन करा करदे न।

<><><><><><>

Udhampur Voters

राष्ट्री मतदाता दिवस आस्तै जागरूकता पैदा करने लेई ते मतदाताएं दी भागीदारी गी बधाने दे मकसद गी लेइयै कल उधमपुर च इक रैली कड्डी गई। रैली गी उधमपुर दे अडिशनल डिस्ट्रिक डवैलपमेंट कमीशनर राजिन्द्र सिंह होरें हरी झंडी दस्सियै रवाना कीतौ रैली जिला प्रशासनिक परिसर थमां शुरू होइयै सलाथिया चौक, कोर्ट रोड, रामनगर चौक, गोल मार्केट, बस स्टैंड चा होंदे होई मिनी स्टेडियम उधमपुर च मुक्की। इस मौके पर बोलदे होई उधमपुर दे अडिशनल डिस्ट्रिक डवैलपमेंट कमीशनर राजिन्द्र सिंह होरें आखेआ.

<><><><><><>

Animal Husbandry

पशुपालन मैहकमा रामबन जिले च राई—बाई दे पूरे पराते विकास सरबंधी प्रोग्राम ते समग्र डेसरी विकास सरकारी योजनाएं गी किसानें तगर सिद्धे तौरा पर पजाने दा जतन करा करदा ऐ। किसानें गी किसान क्रेडिट कार्ड ते पशुएं दे नीमें आस्तै बी जागरूक कीता जा करदा ऐ। इस बारे होर जानकारी दिंदे होई भिड्ड पालन मैहकमे दे जिला अधिकारी डॉ. शब्बीर अहमद खान होरें आखेआ.

<><><><><><>